




KEMENTERIAN PELANCONGAN DAN KEBUDAYAAN MALAYSIA

GARIS PANDUAN PENGELASAN PREMIS PENGINAPAN PELANCONG BAGI KATEGORI HOTEL TANAH TINGGI

Premis penginapan pelancong haruslah memenuhi syarat-syarat wajib seperti dibawah untuk melayakkan dikelaskan sebagai Hotel Tanah Tinggi iaitu:

1. Premis wajib berdaftar dengan Kementerian Pelancongan dan Kebudayaan Malaysia.
2. Premis menawarkan lebih daripada sepuluh (10) bilik atau lebih daripada lima puluh (50) buah katil, mengikut mana-mana yang terpakai. (rujuk Akta Industri Pelancongan 1992)
3. Premis wajib mempunyai Lesen Perniagaan / Lesen Operasi Hotel atau penginapan dari Pihak Berkuasa Tempatan (PBT) .
4. Premis wajib mempunyai :
 - i. Sijil Perakuan BOMBA sekiranya telah beroperasi lebih dari setahun .
 - ii. Memadai mempunyai *Certificate of Completion and Compliance* (CCC) sekiranya premis beroperasi kurang satu tahun.
 - iii. Premis yang mempunyai struktur langkan terbuka atau atau bilik kurang dari 21 bilik tidak perlu mengemukakan Sijil Perakuan BOMBA.
5. Premis hendaklah menjadi ahli mana-mana persatuan yang diiktiraf oleh Kementerian Pelancongan dan Kebudayaan Malaysia iaitu *Malaysian Association of Hotels* (MAH), *Malaysian Association of Hotel Owners* (MAHO) atau *Malaysia Budget Hotel Association* (MyBHA).
6. Semua kakitangan pengendali makanan hendaklah memperolehi Sijil Pengendali Makanan dan Suntikan *Anti Thyphoid*.
7. Pihak premis perlu menyediakan *Grease Trap*. (Bagi Hotel yang mempunyai F&B)
8. Pihak premis perlu menyediakan *Generator Set* mengikut keperluan perundangan sedia ada.



9. Premis wajib dikelaskan sebagai Hotel Tanah Tinggi sekiranya berada lebih 300 m dari paras laut (Pekeliling Ketua Setiausaha Kementerian Perumahan dan Kerajaan Tempatan Bil. 06 Tahun 2009).
10. Premis sekurang-kurangnya wajib menyediakan satu (1) bilik penginapan dan tandas awam di kawasan umum untuk Orang Kurang Upaya (OKU) (rujuk Akta OKU 2008) tetapi tertakluk kepada kewujudan atau kemunculan apa-apa keadaan yang boleh membahayakan keselamatan orang kurang upaya. Sekiranya hotel tidak dapat menyediakan kemudahan OKU, perlu mendapatkan pengecualian dari pihak berkaitan.
11. *Outsource* bagi perkhidmatan yang disediakan di hotel perlu dinilai sekiranya perkongsian kemudahan tersebut berada dikawasan yang berhampiran/munasabah. Dokumen sokongan (kontrak secara bertulis) perlu disertakan dan markah hanya diberi sekiranya panel penilai dibenarkan membuat penilaian terhadap kemudahan tersebut.
12. Sekiranya premis tidak dapat menyediakan kemudahan disebabkan oleh Arahan/Peraturan/Undang-undang yang berkuatkuasa premis perlu melampirkan surat dari pihak berkaitan.

PENGECUALIAN

1. Mana-mana premis yang berada di kawasan sungai, tasik, hutan, dll boleh memohon untuk menggunakan kriteria Hotel Bandar, Hotel Pulau/Pantai/Tasik/Sungai dan Hotel Tanah Tinggi.

